

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu  
politiku, raseljena lica i izbjeglice



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за рад, социјалну  
политику, расељена лица и изbjеглице

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refugees

Broj: 13-05/1-04-2435-29/23  
Sarajevo, 08.03.2022. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**

- **SKUPŠTINA KANTONA SARAJEVO**  
Služba za skupštinske poslove  
- **OVDJE** -

- **VLADA KANTONA SARAJEVO**  
Stručna služba Vlade  
- **OVDJE** -

**Predmet: Odgovor na zastupničko pitanje, dostavlja se**

**Zastupnica Admela Hodžić** je na trećoj Radnoj sjednici Skupštine Kantona Sarajevo, održanoj dana 27.01.2023. godine, u skladu sa čl. 211. i 214. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi prečišćeni tekst, 15/13, 47/13, 47/15, 18/16, 9/20, 14/20, 16/22 i 17/22) u okviru tačke Dnevnog reda "Poslanička/zastupnička pitanja, inicijative i odgovori", postavila zastupničko pitanje premijeru Kantona Sarajevo i ministrici za rad, socijalnu politiku, raseljena lica i izbjeglice Kantona Sarajevo, sa zahtijevom za odgovor, a odnosi se na sljedeće: "Da li je tačno da u slučajevima gdje imamo porodice sa troje i više djece, jedno ili dvoje djece izađe iz prava dječjeg dodatka takav uslov automatski isključuje iz prava ostalo jedno ili dvoje djece iste porodice, ili pravo na novčanu naknadu ima pojedinačno svako dijete koje potiče iz iste porodice troje i više djece, bez obzira da li su mu braća ili sestre izašli iz prava".



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

1/3

## Obrazloženje

Zakon o socijalnoj zaštiti, zaštiti civilnih žrtava rata i zaštiti porodica sa djecom "Službene novine Kantona Sarajevo", br. 38/2014-prečišćeni tekst, 38/2016, 44/2017, 28/2018, 52/2021 i 40/2022).

Ministarstvo za rad, socijalnu politiku, raseljena lica i izbjeglice Kantona Sarajevo donijelo je odluku da sve porodice koje imaju troje ili više djece, bez obzira na njihov imovinski cenzus, od sada imaju pravo na dječiji doplatk, i to uvećan za 10 posto.

Ministarstvo je na osnovu novih izmjena Zakona donijelo Instrukciju o iznosima novčanih davanja u kojima je za porodice s troje ili više djece, bez cenzusa, utvrđen iznos od 57,70 KM za svako dijete.

Ove Instrukcije su dostavljene svim nadležnim općinskim organima uprave, kako bi isti mogli započeti s primjenom Zakona.

Iz Udruženja porodice s troje i više djece "Porodice tri plus" poručili su tada da porodice sada mogu podnositi zahtjeve za dodatak gore navedeni iznos.

### Napomena

Roditelji se žale da opštinske službe odbijaju zahtjeve porodica sa troje ili više djece ako je jedno ili dvoje djece izašlo iz prava za drugu djecu iz iste porodice koja nisu navršila 18 godina starosti.

Pitanje sa obrazloženjem upućujem premijeru Kantona Sarajevo i ministrici za rad, socijalnu politiku, raseljena lica i izbjeglice Kantona Sarajevo od roditelja koji su imali iste i slične probleme zbog nemogućnosti ostvarivanja ovih prava u potpuno identičnoj formi kako su meni dostavili na e mail.

Molim Vas da pojašnjenje dostavite svim zastupnicima i opštinama u pisanoj formi.

Vezano za navedeno dajemo sljedeći odgovor.

Kao razlog za zastupničko pitanje navedeno je da se u proteklom periodu više porodica obratilo sa pitanjem, da li u slučajevima kada je u porodici troje ili više djece, a jedno ili više djece postane punoljetno i iz tog razloga gubi ovo pravo, da li ostala djeca koja nisu punoljetna takođe gube pravo na dječiji dodatak.

Dakle, postavljeno je pitanje, da li u porodici sa troje ili više djece, sva djeca u ovim slučajevima po automatizmu gube ovo pravo ili ga ostvaruje svako dijete pojedinačno.

Stm u vezi želimo da Vas obavjestimo da u skladu sa članom 136. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14-Prečišćeni tekst, 38/16, 44/17, 28/18, 52/21 i 40/22) porodica i djeca ostvaruju dodatak na djecu.

Prema članu 6. Zakona o osnovama socijalne zaštite, zaštite civilnih žrtava rata i zaštite porodice sa djecom (" Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18) **djetetom se smatra lice do 18. godine, a izuzetno djetetom se smatra lice koje radi ostvarivanja prava na dodatak na djecu i osiguravanje školarine ili stipendije za đake i studente, ima i više od 18, a manje od 27 godina života.**



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/3

Dakle, kako se dodatak na djecu vezuje za djecu, u slučajevima kada u porodici ima troje ili više djece, dodatak na djecu se ostvaruje pod uslovom da se radi o djeci koja su kao takva definisana federalnim zakonom.

Stoga, ukoliko jedno od troje djece napuni 18. godina i ne nastavi redovno školovanje ili studiranje, tada se shodno odredbi člana 6. Zakona o osnovama socijalne zaštite, zaštite civilnih žrtava rata i zaštite porodice sa djecom koji je na naprijed navedeni način definisao dijete, više ne radi o porodici sa troje ili više djece, te se stoga ne može ostvariti pravo na dodatak na djecu za troje ili više djece.

Ova činjenica je poznata svim opštinskim organima uprave koji primjenjuju Zakon o socijalnoj zaštiti, zaštiti civilnih žrtava rata i zaštiti porodice sa djecom i ovu zakonsku normu koja uređuje pravo na dodatak na djecu za troje i više djece opštinski organi uprave primjenjuju na naprijed navedeni način.

S poštovanjem,

Pripremio:

Zoran Timarac, pom. ministrice



MINISTRICA

Ivana Pivulovic

Dostaviti:

1. Naslovu,
2. Aa.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

3/3

